

Un pinsîr pal vinçjevòt

(1996)

Cjârs coscris dal vinçjevot
e amîs de compagnie,
jò di cûr, us dîs usgnòt
buine sere, cun ligrie.

Bièl al'è cjatâsi insieme
par cjalâsi e fevelà,
di chês liendis ormai passàdis
e progjès ch'ò vin di fà.

Par chei ains che svelz 'a passin
come il timp ch'al scjampe al vâ,
e nissùn al po' fermâsi
ma cun lui si scugne là.

Ben volint si fâs la conte
par savé in tròs ch'o sin,

Poesie e Racconti Friulani

di sigûir no vîn la 'zonte
ma simpri al mancul si contin.

Naturâl pensàj parsore,
ma 'l'è ben cjalà indenant
a fà simpri cuàlchi vore
ma polsà di tant in tant.

Al va bèn par no avilîsi
parcè 'o sin in là cui ains,
'o vin pûr memorie buine
e no sin tratâs da cjâns.

Pensin sôl par un momènt
quant che nò 'o jerin frùz
duç a pît 'a cjaminavin
qualchidun doprave il mûs.

Ma cumò cui tîmps cambiâs
e nò dai vons 'o vin il puest

Poesie e Racconti Friulani

'o vîn comprât la machinute,
e lassât il mûs, par fâ plui prest.

'O vivîn in te premure,
miôr sarés a là plui planc,
e dè vite 'vé plui cure,
cul tignîsi bòn il sanc.

Cul scoltà ce ch'a nûs dîs,
il curisin çjalant lis stelis;
's'o crodìn al Paradîs,
pensìn simpri a robis bielîs.

E cerì di no rabiasi
par durmì durant la gnòt
tal bisogn simpri judâsi,
nò 'o sìn dal vinçjevòt.

Mandi mandi

(Reana del Rojale 13 Dic 1996)